



Bosna i Hercegovina
Federacija Bosne i Hercegovine
Kanton Sarajevo
OPĆINA VOGOŠĆA
OPĆINSKI NAČELNIK



Vogošća, ul. Jošanička br. 80, tel: 00387 33 586 413, fax: 586-444

Na osnovu člana 71. i 125. Statuta Općine Vogošća («Sl. novine Kantona Sarajevo», broj: 27/14, 14/15, 9/20 i 23/24), člana 5. Pravilnika o dodjeli sredstava za sufinansiranje troškova prijevoza djece, učenika, studenata i osoba sa teškoćama u razvoju i invaliditetom koji imaju prebivalište na području općine Vogošća i Odluke o načinu primjene Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine, broj: 02-02-575/25 od 15.04.2025. godine, Općinski načelnik, raspisuje

JAVNI POZIV ZA DODJELU SREDSTAVA ZA SUFINANSIRANJE TROŠKOVA PRIJEVOZA DJECE, UČENIKA, STUDENATA I OSOBA SA TEŠKOĆAMA U RAZVOJU I INVALIDITETOM KOJI IMAJU PREBIVALIŠTE NA PODRUČJU OPĆINE VOGOŠĆA

I OPIS PROGRAMA

Ovaj program planiran je u okviru Strategije razvoja Općine Vogošća i to:

- Strateški cilj 2.- unaprijediti društveni život stanovništva stvaranjem uslova za društveno-ekonomski rast, dostupnost i visok kvalitete svih javnih servisa;
- Prioritet 2.2. – unaprijediti dostupnost obrazovanja za sve učesnike u odgojno-obrazovnom procesu.

Cilj Javnog poziva je osigurati sufinansiranje prijevoza djece, učenika, studenata i osoba sa teškoćama u razvoju i invaliditetom radi unapređenja njihove dostupnosti obrazovanju, inkluziji i jednakim mogućnostima. U Budžetu Općine Vogošća za ovu namjenu su obezbjeđena sredstva u iznosu od 20.000,00 KM, dok je dio sredstava obezbjeđen u Budžetu Kantona Sarajevo, a u skladu sa Zakonom o osnovnom odgoju i obrazovanju u osnovnoj i srednjoj školi u Kantonu Sarajevo.

Sredstva koja se dodjeljuju po ovom Javnom pozivu ne predstavljaju državnu pomoć u smislu Zakona o sistemu državne pomoći u BiH, odnosno ovim Javnim pozivom se neće finansirati aktivnosti privrednih subjekata koji obavljaju ekonomsku djelatnost na tržištu.

II PRAVO NA DODJELU

Pravo na dodjelu sredstava po ovom Javnom pozivu imaju djeca, učenici, student i osobe sa teškoćama u razvoju i invaliditetom, a koji imaju prebivalište na području općine Vogošća.

III TRAJANJE JAVNOG POZIVA

Javni poziv se objavljuje na web stranici općine Vogošća i ostaje otvoren do 31.12.2026. godine, odnosno do iscrpljenja sredstva za ovu namjenu.

IV POSTUPAK DODJELE SREDSTAVA

Dostavljeni zahtjevi će se rješavati po vremenu prispjeća. Služba će u roku od 20 (dvadeset) dana od dana prijema zahtjeva utvrditi da li su ispunjeni uslovi za dodjelu sredstava. Nakon obrade zahtjeva nadležna Služba donosi rješenje o isplati sredstva za troškove prijevoza.

Rješenja izdata za učenike osnovnih i srednjih škola dostavljaju se nadležnom ministarstvu sa zahtjevom za uplatu sredstava za prijevoz, a u skladu sa Sporazumom.

Rješenja izdata za korisnike koji pohađaju predškolske ustanove, visokoobrazovne ustanove i osobe koje koriste usluge udruženja, ustanova i organizacija koje pružaju stručnu podršku, rehabilitaciju, osposobljavanje ili druge odgovarajuće usluge, kao i rješenja kojima je utvrđena razlika sredstva do iznosa od 1.000,00 KM se dostavljaju Službi za finansije koja vrši isplatu sredstva na transakcijski račun korisnika iz Budžeta Općine Vogošća.

V POTREBNA DOKUMENTACIJA

Uz zahtjev je potrebno priložiti sljedeće dokumente (orginal ili ovjerene kopije):

1. Potvrdu o upisu učenika/ca u tekuću školsku/akademsku godinu;
2. Potvrda o upisu u predškolsku ustanovu za tekuću godinu;
3. Potvrda o upisu u visokoobrazovnu ustanovu;
4. Potvrda udruženja, organizacije ili ustanove koja pruža usluge korisniku;
5. Dokumentaciju kojom se dokazuje invalidnost – rješenje o invalidnosti;
6. Potvrda o evidenciji prebivališta/boravišta lica;
7. Izjava korisnika pomoći/zakonskog zastupnika o udaljenosti obrazovne ustanove do mjesta stanovanja sa tačno naznačenom kilometražom u oba pravca;
8. Izvod iz matične knjige rođenih korisnika;
9. Potvrda od banke o otvorenom računu korisnika.

VI IZNOS SREDSTAVA

U skladu sa potpisanim sporazumom o saradnji sa kantonalnim ministarstvom nadležnim za saobraćaj te dostavljenom instrukcijom, sredstva za prijevoz učenika osnovnih i srednjih škola se dodjeljuju korisnicima sredstava za:

- (a) kupovinu mjesečne karte za učenike i pratioce (zona A ili zona A+B) - za učenike koji mogu koristiti sredstva javnog prevoza;
- (b) troškovi goriva po prijeđenom kilometru za učenike koji nemaju mogućnost korištenja javnog linijskog prijevoza;

Ukoliko obrazovne ustanove koje pohađaju učenici sa invaliditetom imaju posebno organizovan prijevoz, isplata sredstava se vrši na račun ustanove, u visini mjesečne karte za učenike i pratioce;

Sredstva za sufinansiranje troškova prijevoza isplatit će se za prvo polugodište školske godine, a nakon uplate sredstava od strane nadležnog ministarstva.

Za drugo polugodište školske godine sredstva će se isplatiti nakon dostave izvještaja za isplaćena sredstva u prvom polugodištu.

Sredstva za korisnike koji pohađaju predškolske ustanove, visokoobrazovne ustanove i osobe koje koriste usluge udruženja, ustanova i organizacija koje pružaju stručnu podršku, rehabilitaciju, osposobljavanje ili druge odgovarajuće usluge, isplaćuju se iz Budžeta Općine Vogošća u iznosu od 1.000,00 KM po korisniku. Općina Vogošća će iz Budžeta isplatiti razliku sredstava za korisnike koji pohađaju osnovnu i srednju školu i osobe koje koriste usluge udruženja, ustanova i organizacija koje pružaju stručnu podršku, rehabilitaciju, osposobljavanje ili druge odgovarajuće usluge do visine iznosa odobrenog za korisnike predškolskih i visokoobrazovnih ustanova i osobe koje koriste usluge udruženja, ustanova i organizacija koje pružaju stručnu podršku, rehabilitaciju, osposobljavanje ili druge odgovarajuće usluge.

VII IZVJEŠTAVANJE

Korisnici sredstva dužni su dostaviti izvještaj sa pratećom finansijskom dokumentacijom Službi za privredu, integrisani lokalni razvoj i društvene djelatnosti najkasnije do 15.01.2027. godina za prvo polugodište školske 2026/2027. godine. Drugi dio izvještaja korisnici su u obavezi dostaviti najkasnije do 30.06.2027. godine za drugo polugodište školske godine.

Korisnicima koji ne dostave izvještaje u predviđenim rokovima, ili se utvrdi nenamjenski utrošak sredstva bit će obustavljena isplata sredstava za II polugodište uz obavezu da izvrše povrat već dodijeljenih sredstva.

NAČIN PODNOŠENJA ZAHTJEVA

Zahtjevi za sufinansiranje troškova prijevoza djece, učenika, studenata i osoba sa teškoćama u razvoju i invaliditetom, sa potrebnom dokumentacijom se podnosi Službi za privredu, integrisani lokalni razvoj i društvene djelatnosti, putem protokola općine Vogošća ili preporučeno putem pošte.

Sve dodatne informacije, korisnici mogu dobiti na telefon 033 586 414, ili putem maila adila.zgalj@vogosca.ba.

Broj: 03-34-1607/26
Vogošća, 31.08.2026. godine

OPĆINSKI NAČELNIK
Migdad Hasanović